

丙申二月廿五日

封奉直大夫禮部儀制司額外主事史先生墓誌

敬

禮部儀制司額外主事宛平史積容從弟

十有二年相得甚歡乾隆丙申將為其尊甫漢

英先生暨母太宜人謀葬於西山之麓而亟

請余豫銘其藏曰積容獲先生之詞以慰吾

親急於獲吉卜也余曰漢英先生實與先大夫

人為中表兄弟余當為藏之銘况重以積容之

固請也先生諱全義漢英其字史氏出溧陽後

遷浙江之鄞再遷餘姚半霖村又遷山陰梅墅

曾祖諱曜宗祖諱在篇歷官山東章邱縣知縣

開河利民、廟祀之父諱節康熙初^王遊京師
轉^東宛^東受知於新城王文簡公一時編交秀水
朱彞尊仁和湯右曾慈谿姜宸英錢塘查慎
行崇明何焯長洲汪份諸先輩有名仕至威
州知州晚歲學^仙年八十餘卒先生為盛州之少
子生於四川比長兄知義通判浙江之衢安徽之
池並沒在官所早年一遊四川及廣東^海後就幕
于山西所在最久竟卒于山西先生雖沒父兄歷
官然其初生遭父之罷兄兩官並闕曹冷地且其
人長者不名錢俸入直自然以故先生早食貧

年三十餘棄京師求為小官不獲選則去沒幕遊
學為刑名家言然本性益長者歲所入脯金微
積則付之友令為買、有息則喜益付之久之
友來謂曰嗟買不逢時并前息俱盡先生則一
笑罷^無為他語其貧如故其所遊幕主人以其長
者故重先生、每遇獄之當死者固欲生之
不可得則太息書寄其子積容曰吾不幸不學
而為此、非人所為汝其益勸學積容聞之以自
警用是學有成先生在山西獄有男子調一婦
人倉卒持其手而逢婦慙雖經先生以為婦烈當

旌而調者無強暴狀疑可杖而生之為申文具上
司駁日近法持婦人手而死者絞輒予句縣之幕
何詩即縣幾得過於是以佞吏相譁曰史先生乃
以囚擲官先生則自謝去負益甚甚會積容成
進士官禮部山西諸縣乃稍更請延先生人
以是嘆由之報先生之厚於仁也歲辛卯遇
覃恩先生竟獲一封奉直大夫禮部儀制司類
外主事如積容官雖貴負尚如故尚就幕于山
西之臨遇疾而卒年五十有六生於康熙己
亥十一月十三日卒于乾隆甲午四月廿一日元配程

氏封宜人四川潼川州知州之璋之女早歸先
生既成禮而依于妣婦以食自衛至池先生數出
遊宜人日一糜食背積容識字積容出就傳入必
切誨之積容日見母之自飲其淚也及先生暮
遊則從在山西後繼之京師先生出遊則獨居
益皆積容學及積容既官受封乃以積痼目失
明三年而卒於乾隆癸巳年五月十四日生於康
熙庚子十月十三日年五十有四子積容乾隆辛
卯進士禮部儀制司額外主事娶陳氏翰林院
檢討昌平陳本敬女三子一適大興縣學廩生錫

紱一許嫁漢軍候選州同知貴生得一許嫁通
 劉塹一嗟乎余幼聞先太夫人謂余外王母史
 孺人與先生之父居山陰時共完一區中表兄弟
 視兄弟其後先生之兄自衛及池至京師之王
 余家自是兩家情益親乙酉先生命子積密
 送余學卷余實弟視之而事先生若母之親堂
 然癸巳余在江南聞程宜人訃甲午先生之喪
 至自山西余竊愴然感槩于心今年丙申又獲
 銘先生與宜人之歲石俯仰三世其於史氏之
 故詳銘曰

璫之厚報汝玉水之厚報汝舟百斛風之厚天
 池之厚報汝飛而行食肉肉山之歲穀先生宜
 人子孫世永福

丙申二月廿五

賜廷七年身法授中書大夫之任翰林院編修四年日
 書之通國子監志昂不為月四級善於友士與之撰

乙未七月十二日

京師西城兵馬司副指揮使張君墓碣銘
君姓張氏諱本字稼善一字敦源安慶望江
人曾祖之禎祖尚恕父世琮祖父並以君仕贈
贈承德郎寧海州同知妻許氏贈安人先
卒子三人龍見縣學生龍舉龍應並幼君生
於康熙癸巳七月廿三日卒於乾隆甲午八月十
五日年六十有二。勅授承德郎西城兵馬司
副指揮使乾隆丙子君初官山東登州府寧海
州同知時山陰陳球知府事望見君曰斷
讀書子也何為在此君曰本以辛酉選拔貢生

執筆隸館中不獲齒舉於省士以議叙來獲
侍執事球曰能為我校閱府中十州縣之文乎
應曰諾校閱畢榜於府門人以為當君乃言於
同官及州之人曰學官州士所以釋菜於先師當
作而新之書院所以立之師俾州士相勸學也
今州無書院其卜地宜皆曰然於時重修學官
而年平書院之建自君始君之在官日夜思
有利於人為之汲州瀕海民或去家登海舶以
餬口於盛京所在有某者聘某氏女而出十年
不歸女父母來白曰女茲當改婚君召某兄至

曰若弟定死耶曰弟十年斷家書而渡海者
或曰見吾弟死未定也君曰某死未定若女待
之十年負矣而忽不待耶吾為若益期以半歲
女在則領之未半歲某則捆載而至請娶女曰非
張公妾樂不成為君婦於是奉筐承以雞卵酒甕
昇躋於堂下男女再拜而還為匹方夏君行俗
崑崙山中圖經所謂姑餘山也山去州城迴遠
有婦人狂走山中而呼白晝剽者君即止輿問
曰孰剽若婦曰鄰某某君立召三人者至
問狀僉曰某為鄰相負戴以助若而誑我剽

若麥若男子病卧不出而婦人出官殆可誑耶
君曰然：若所耕田幾畝得麥幾何食幾何三
人者具以對君曰若具言誑者敗矣即下輿入
三人室召斗筲較之則浮於所對太半君曰
若三人口不待麥養耶麥自天降穰：耶僉
曰或餉我也君曰方登麥而孰為若益之餉耶
三人者吐舌服請死罪君曰趣負戴反若麥官
坐若剽死矣自是山中守君法視城中城中故
無官署君治久之州人走相告曰我公併覆我
而我使公無屋以蔽奈何則迭呼迭築以成之當

是時知州南豐李湖州同知為君吏目通陳大
烈悉不名一錢州人至今號曰三清居六年壬午
君以外艱去壬辰起官授西城副指揮使指揮
隸五城御史錯治輦轂之下號難治官與胥
吏狎以偏闇者居中為姦利君宣言曰吾無
闇胥吏孰敢參吾事訟者其來吾立判罷之已
而果然有宛平人知其妻與縣役李某通俄失
其妻三月矣訟之縣李某曰故與通有之失則
不知也縣不能決則訟之城御史下君鞠問固
對如初君曰人失妻無所蹤跡不酷與之通者而

誰酷耶施三木焉李某痛呼曰在阜城門近所
呼之而妻抱一兒至其夫願受之去抵李某罪去報
御史御史喜曰能使吾城爭價於縣者公也阜城
門外賊每挾剪於路以伺其魁曰趙小定楊老兩
人狼狽取行者貲不虛發君固知之而賊與役交
通官莫能致君一日坐廳事決事聞外人叫無辜
已而聲漸遠君問無有即怒曰若欺叫者而去
之當有情不與俱來吾榜殺若矣叫者即至則
山西買贖者也君曰客何叫曰民以贖易白金三
十兩喝而解橐悒於簷間或攫之走遭趙小定

者曰助尔索金而分我金民疑之叫於官門者
嚇焉曰入將榜尔尻民趙趙不敢前惟公憐之
君即召小定曰吾耳熟若名久矣今若為人解
紛當知攫為誰曰小定許為之蹤跡攫者耳實
不知誰也君曰若不言吾立斃若言其人而吾
或賞若何如於是小定惶恐具言金所在召役
即之而并獲楊老君按律竟遠戍老黨數人者
阜城挾剪之風頓衰君他所治率類此西城
人方賴君會中秋日君有公事出宣武門過
其鄉人刑部郎中龍承祖啜茶頃曰吾疾作

即扶工車去及署而卒初望江之大雷池水發源自宿松流入縣界東南積而為池曰雷池又東流經縣南百里東入江鄱道元水經注所謂青林水西南歷尋陽分為二一水東流通大雷者也君家自縣之華陽鎮遷城北十里寺自君之祖父固習知城南險渡有三曰縣步河曰韓家嘴曰三官居並大雷水所經流也水涸需橋水溢需船數十年以來民病之而未有舉者君父贈公常慨然曰何日我及舉之及君以贈公艱歸一歲揮家財悉舉此三渡者橋船之具悉

告備用畢乃父之志望江之人世利焉君與兄問仁相愛如一人問仁之子龍升蓋侍君卒歸櫬於南而復來京師為其叔父乞墓石之銘龍升余壬辰試望江學第一人也為之銘曰兩能其職秩不一升利於人上官無稱疾作乎友家纊不屬乎車返乎解而化古之祭法以死勤事非君也耶非君也耶

勅授承德郎西城兵馬司副指揮使張君墓
碣銘

賜進士出身○○

請授中憲大夫翰林院編修在四庫全書外行
去日下舊聞國子監志兩館授學官大興朱
上墓文并書

乾隆四十一年歲次丙申冬十一月立石

丙申二月廿二日

浙江提刑按察使司副使分巡溫州道尚公墓碣銘

嗚呼吾同府尚公以耆年舊德望在畿輔歷
官所至愛思無忝古循吏遭父母服引疾里居
行稱人瑞庶幾有始有卒之君子其葬也承重
孫其章屬公之從子贊善永肩乞筠為公銘
其出宮之石而均於公有妻童葭葦之親公之
從弟復健又与筠鄉試同舉知公平生美詳
不敢以不文辭按狀公諱復傳字衣亭又字宗
一遠系出溧陽前馬里明永樂初遷行在之寶
抵時則有巡撫甘肅等處都察院右副都御史

劉顯名宏治間劉弟鍾舉鄉飲以賓六傳至公
而大公曾祖諱昌齡授奉政大夫江南廬州府
江防同知祖諱國鼎縣學生例贈中憲大夫父
諱淮縣學廩生一 封文林郎例贈中憲大夫公
親弟四人行二康熙丁丑年十六知寶坻縣毛
果奇其文試第一其年應學使者試使者為
安溪李文貞公試亦第一尋舉順天鄉試舉有
名己丑春侍母疾既瘳不願赴禮部試母位三
行成進士益讀書出遊抵湖南所至觀其有司
之良否嘆曰吾心知吏意其以清白自勵矣戊

戊謂選司掣籤得錢塘縣時例繕履歷三百字
於暢春園

聖祖命南書房記公名行之官吏悉除諸無
名錢曰官足給饗餼辦已吏竊笑之縣有金
三者故交通上官署為姦利累省中縣莫能
制公立逮之至日某有罪無案公奈我何公曰
若罪信也若不贖吾為若贖之杖且械斃焉
一府大快縣士有僕婦無故雉經于門尸家居以
為奇貨公立至門驗無他今日尸家連收婦尸
士感激無以報則為詩具述公德政數十章寫之

通衢自杭暨京師會庫子秋浙江省試輒擢公
分校公以民事辭上官曰公廉正吏許以迴避牌
理事毋嫌是科得士烏程嚴遂成等六人者已丑
杭旱公履畝勸實上其狀上官以錢唐首縣躄
踰欲寢不報公固爭曰律有捏災匿災並當劾
某今日請受捏災劾矣時同城仁和災報先寢
民千人跣走圍寺署呼曰錢塘父母我仁和獨
不父母我即須臾自縣呼達院上官感動是年
杭竟以災聞問永濟倉行賑公復力請於縣
之上四鄉下八鄉設粥廠二十有七水陸轉輸屬

之厥令曰食米者應轉米役則更擇其鄉
之端謹有行者厥坐四人董賑事公間微行
覘曰善則手書詩以勞勉之而擢其有役之
行擾者上官聞之喜曰帑不費而賑溥其令
他縣以為法省有駐防營卒往出城馳躡民田
公申文上提督署願以便宜治營卒縛躡者報
之民相語曰卒不踏吾田畏公黑頭鞭公聽
訟既無留獄他縣訟者咸籲上官就公鞠有疑
獄上官亦輒以委公居五年民謠之曰芮青
天邊清肅時提兵官邊某鎮杭與公名相媿

也雍正初以卓異薦未上

世宗特特詔來京師諭曰錢塘地大若在官
有聲其命爾知温州府往益勵初節也公頓首
謝溫故例民應輸織造府柑貢歲期至則檄封
園樹禁民毋去其納也擇色擇枚中斤中兩累
民百端公飭所在相一取足貢數織造不得言其
他民勒石府門以頌之府境商辦官鹽不行而
私鹽集公為設三團集窳戶宜直窳戶直
益立則私鹽息官賣直益廉則鹽不督自行
人以是服公之平也天台山東南有山曰玉環

廣袤八百里隔海洋數百里而遠明方國珍所
保也或曰山中有田可墾十萬畝時李敏達公
提督浙江聞之以入

告即檄公往勘公乘舟抵山從鳥道登峰頂還
言玉環山雖四面中可墾田無多况海盜所出沒
良民孰肯往墾以糧齎盜脫肯往者亦盜醜也
即墾不過數萬畝計費無底傷財增盜無益不
若罷之便李公怒更檄他屬吏往授意指必墾
之大索山中田僅二萬畝不足則取山麓潮退之
地充之又取近天台縣田丈量畝有所餘並以屬

而其實無所利

之又不足更取樂清縣民田歲輸糧者距城四十
里外盡隸玉環：、經費不敢輒支帑金則令
捐浙江省官俸半及關津一切雜稅增稅其半
用給經費興利之建等取為請從也檄弛溫之禁山令漁者往來並稅之
曰塗稅既而民之漁者不立山中度關納稅如故
吏乃重征漁者塗稅漁者來控公、具文上辯
曰入山漁者有塗稅出關漁者有漁稅今關稅
漁又稅塗是重稅也凡七上上官怒以為阻撓
玉環墾田有蜚語頗聞時諸城劉文正公奉使
視海塘過溫謂公曰聞公與李官保兩雄不相下

不移不屈公之謂乎戊申擢分巡溫處道用儉訓
俗民益翕然安之會商人辦銅積弊露公為
定期給直持以法商人寤時公方劾揭溫州府
知府尹士份不職狀士份反誣公以阻商誤銅上
知府固疾公因而撼之并劾公有

旨解任赴江南提督趙宏恩質問於是兩府士民
聞公將去則書牓於山上揭之曰昔唐太學生魯
郊季償二百餘人能詣闕雷陽司業我輩今日
不能止芮公之行何面自立於清日集牓下者益
眾則擁公館中積石塞其門夜則燃火以守途

老公論之愈日吾儕安敢違公欲願上官請於
朝留公治我耳公召父老曲論若不得爾則老
哭失聲燕香奉酒立送公自府沿江千數十里
睇舟之行人伏地不能起久之竟坐公以失察
關吏舞弊革職今

上御極免勿治仍留浙江辦銅數歲壬戌銅事竣
例當請復官聞父及母卒在喪服除遂不出家居
三十餘年尤甚於兄弟之愛歲時華髮醜顏歌
辭之詩呼諸子及孫前曰汝曹視我輩亦相
好矣世勿忘也鄉里重其德望轅下後生皆以

為洵水之陽猶有耆英也行年九十有四以乙未
十月朔行嘔日百年壽一日歸去何悲百幸勞
百逸樂何訖越三日卒公生於康熙二十一年
四月二日寅時卒於乾隆四十年十月三日丑
時元配王恭人同鄉縣宏道女繼室王恭人同
縣歲貢生封奉政大夫江南常州府江陰清
軍同知宋文嗣子一永觀縣學生先公卒女四
一適靜海兩辰恩科舉人牛元清一適同縣
學歲貢生王思鑄一適歷城楊嘉采一適同縣
候選布政司理問王堯年孫七人其章其音並

縣學廩膳生其儀其怒並縣學生其桐其莫
其斯並物銘曰

滎陽而北均陽東御史有名完治中四百年
後出我公錢唐之蹟甘肅凝疆禦予矧惇獨
逢青天主青天呼何恫嗟古循吏愛樹同歸
來仰先生可宗萬老不遺歲出宮松柏茂
城隅風東海濱表碣豐我言不刊有德功過
讀者云垂無窮

丙申二月廿二日

丁酉三月八日

河南道監察御史胡君墓誌銘

余以乾隆甲戌成進士實中武進莊君培因榜
其獲廁名於會試舉人則孝感胡君紹鼎榜也
歲在己卯莊君卒越十又九年丙申胡君卒蓋
先後二十餘年之間同歲生之在者落落矣胡君
之為人工於德而拙於財其卒也為御史階五品
有位與祿於朝又獨與一子舍其縣之館朝夕矻
矻以教飽乃至貧死無以為斂以故余偕同歲諸
君往哭之極哀相與竭蹶出錢謀所以歸君之
柩者明年丁酉春柩將在舟子聞若以余知君之

生平尤詳悉乞屬文以銘其藏余蓋泣而許之君先世故江南歙人祖世英康熙初征吳三桂有功以宜昌鎮總兵戰死卒於軍

賜葬荊州馬隍山以一子蔭祖母王夫人父德麟年十五

召見授守備任終廣東參將母尹夫人生母徐宜人以君貴

贈王夫人家故孝感且卒囑君之父曰孝感文若必家焉以勸若子學毋世武為也以故君隸籍孝感君少力行銳意於學不問生計師事同縣夏

先生力恕為文章有名聲年二十九始舉辛酉湖北鄉試時生母徐已先卒君事嫡母尹尤以孝聞壬戌一上公車十年不再上然家貧資教授生徒以給養其蹤跡在湖南江西數百里之間每歲盡必歸省母之間思之君輒至辛未尹夫人老且病矣病脾泄君與妻程侍疾五閱月入夜未嘗寢至嘗母之糞甘苦以懼其漸也其過於孝也如此服除始偕車再北試禮部成進士選庶吉士丁丑授編修明年戊寅試翰林休致歸辛巳迎駕明年壬午春試復官充

國史館纂修官甲申改浙江道監察御史戊子
主雲南鄉試妻程卒庚寅乞假歸壬辰來補山
西道監察御史乙未轉河南道逾歲而卒君之在
翰林也不競於名而舉其職其為御史不喜毛
髮舉事而言炎之克舉其大者君以試事返自
雲南

上言軍興道路往來所在有司不能無苛累里
甲其言具有條理指實

上察之以君言詢封疆大吏固心重君言矣久之
又上言京朝官有親年七八十老且病與終養例

符合而貪祿應職漠然不肯引退者國家安用
此人奏上

召問御史父母在否君對曰並物故矣於時雖
上寬不以君言非責諸親老不引退者然亦不
以君之言為非是也嗚呼君之守官謹哉君生平
所不足者不解治生以故官京師貧無過君者
余過君數以為言君曰子不指實為吾言吾不
知也余曰適過君而君飲我具肉可矣君呼庖曰
烹豚之腰必肱以來君貧宜不利一毛而庖備
肴耶君笑曰有是更指言之余即起視其楹

責君曰楹積獸炭若牀然此工人治良金飾麗人
之首而三熾之者而君以煨其足且今徂暑矣不
鍵之空室而棄諸楹宜乎君之嗜貧成也君則
大笑無以應然亦不改獨居日益飲酒汾陽曹君
學閔過君方擁爐火置杯壺焉曹君曰君飲
病甚而白酒在爐奈何君曰子視之吾烏得錢
取酒而姑以水滌酒器輒取自嗅之解吾憂耳可
奈何曹君過余言蹙然憂之余謂君之行所不
足者止於斯然則君誠足乎古人之行者耶君
未卒前一歲且飲且裂其詩焚之比卒手百餘

篇授曹君之子夢齡俾藏之曹君為鏤木以傳
余讀之君之詩華與實盡而枯木存矣然則君
之詩之葉與華竟焚不可得見可思也君生於
康熙癸巳二月二日卒於乾隆丙申冬十一月
二十六日年六十有四妻程宜人其孝與君克配
先卒子三人間若聞超聞政官

銘曰

雀鬼_○柳生_○雨不_○澤以_○枯_○鹽_○車_○服_○駟_○駟_○食_○之_○不_○飽_○
筮_○脊_○而_○創_○出_○蟲_○蛆_○澆_○之_○無_○肥_○腹_○魚_○鳴_○呼_○子_○
有_○手_○不_○能_○自_○拮_○拮_○子_○有_○足_○也_○行_○趨_○趨_○日_○豐_○厥_○德_○

於身厥心有文光於珠窟而死孰留子人乎天歟

戊午六月七日

史先生墓碣并銘

先生姓史氏諱猶興初名積書字若豪有德不耀以方正孝友諸生終其身筠之外王母先生之王姑也乾隆丁巳筠从先生遊方九歲時先生年二十又四越三年庚申冬先生去筠家館他氏筠幼事先生三年略知先生之制行也史氏出漢溧陽侯崇三十傳至惟則當宋時徙鄆又九傳至昌孫當元時徙餘姚之半霖村明中葉嘉靖萬歷間隸籍順天西便門之外白雲觀旁有墓所焉先生曾祖諱在篇官章邱縣知縣開洛坡河以利民民廟祀之筠之外王母之父也祖諱完節官石埭縣知縣有惠政父諱志義倜儻尚氣以無恒業故貧先生

館筠家時父與先太夫人為中表兄弟數過筠家先生侍父貌甚謹先生之兄積詩年三十矣未授室居忽為牧犢子之悲數來館中與先生共土榻卧且病嘔血良劇先生則夜起抱兄坐而以竹器紙籍其中手承兄所嘔血且慰解之兄嘔益甚比日出筠踉蹌入館中見榻間竹器血盈者八九先生顧兄息少定蹙然捧器而出之於外逾年兄竟死是時見者皆言先生之侍疾克友也弟積禮慧巧而好博塞以遊先生數抱持館穀為弟償負久之弟竟以博死先生哭之益自悲當是時先生屢試于鄉不獲舉歲戊午試卷幾獲舉矣以謄錄生誤倒寫先生所作孟子文曰規方矩圓主試者輒黜罷之

先生益窮初娶于魯翁邁官事破其產徙家而南已而癸亥先生遭母喪獨與老父居於是益顛躓無所向會先生之舅袁先生儒行為定興教諭先生舉家往依之而身獨去保定授經用嚴課其門弟子弟子從遊者日以進定興去保定百餘里歲時節候先生謁館去省老父雖貧歡甚婦魯亦節節先生館所入供甘旨無闕定興人咸稱道之然父故佃僕也篤嗜博數謂魯曰新婦食吾旨而甘不若吾博之甘也取兜館所入來魯不敢言謹進之父輒去與博徒遊盡而反冬寒先生自保定裝毳裘以遺父父質而償博進而反舍不言寒且飢佃儻如故先生歸輒泣諫父笑曰吾助窮者以錢欲

人德焉何如吾無德名而窮者受吾錢之益耶先生泣不言
良久父頷之先生益竭蹶為父具一表躬具音與甘偕婦進
之父衣裘卒餐罷頷曰吾姑去博徒所束手觀之何如則觀
繼日以及先生輒往侍立不敢言父頷曰去蓋觀十餘日而父
博復初凡先生在保定館所入為父博所盡者十七八先生雖
輒泣諫而未嘗怨也先生嘗以國子監生从吏部試職可就
河工得小官以給養自頷行方不利趨走事人以故不行歲
庚辰筠弟石君以翰林出為福建糧驛道請先生俱行先
生頷父老父趣之行居五年中間石君一攝鹽道先生佐其
事醜鹽者或以數金為先生壽先生卻之凡同事者受之

先生聞而未嘗言于人其介而如此先生在福建客或饋
酒食對之愀然不舉以父之遠不得養也久之甲申春得父
書字畫欷歔不如其恒先生則泣下辭石君即日歸而
問父故無恙作書時會不適耳先生頷父須鬢皓白退而歎
曰吾歸晚矣則朝夕歎越歲乙酉疾作比卒執父手曰免不
獲侍父終天年天乎竟以其年秋八月三十日卒先生生康
熙甲午秋八月十三日年五十有二越六年辛卯父卒父子
相次葬定興南門外西塚莊以先生僑寓定興久也子兆蘭
先生臨沒命來从筠學後十又五年戊戌夏閏六月兆蘭以偃
師武億所作先生狀來乞為碣揭先生之行于墓筠謹以

昔所見聞參狀以徵為之銘詞用傳先生銘曰
吾母氏之中表從子吾兄而師范、百年不南旋而無以家
為人直以方孝友以良齟齬鑿杓窮以殃數祖遠曰紹興隸
籍近曰大興埋骨與肉墳隱、曰定興嘻子孫之興耶尚兆
蘭之徵耶

清故武進徐楊孺人墓誌銘

并叙

賜進士出身 誥授中憲大夫翰林院編修四庫三通
兩館纂修官國子監志曰下舊聞兩館總纂官前 日
講起居注官翰林侍讀學士加三級提督安徽全省學
政大興朱筠撰文

武進徐生書受歲甲午從余遊其秋應順天試畢而歸
遭母楊孺人之喪不及歛毀且殆以書來乞予銘其書
詞至痛苦越三年丁酉服闋再北來試再三泣拜而益
請銘余窺生之意以為余銘足以傳若母嗚呼余文何
足以傳母也以故愈不敢下筆試又畢生將暫出都且

以今年冬將卜葬用勉塞生之泣而爲之按徐生自述其母行實有絕人者武進楊氏祖父以上累世不試而所學專家精絕孺人之母曰吳孝婦孺人少佐母養其姑克肖其孝母沒哭見血一目失明丙寅來歸同縣徐君士勲士勲貧甚以教授力養而君舅君姑並在堂孺人晝而執膳夜輒爲女紅佐士勲束脩之不及雖貧甚甘旨未嘗缺於供也以故姑憐若女子子孺人同居宛若及諸從子女孺人一以天性遇之人人化而失其暎旦晚必集孺人之室莊坐燕語久之各罷去家雖甚貧然至樂也已丑士勲數從計偕應禮部試罷客天津而

君舅食病歐歷庚寅辛卯凡二載孺人當食聞翁歐則罷食歐少間亦稍稍食其日歐甚或問否日飯若干食有若干耿耿在孺人之心若巧歷然家人但說老人今日歐或否耳以是知其事翁之奇孝矣壬辰翁病漸孺人則闔戶而泣其弟三姊即之隙間見孺人即鐙右袒其左臂且自割也姊賊而以其姑命出之則止舅竟卒時士勲方以其年三月得官將之四川家四壁惟空甌無一夕之儲而鄉里親戚聞者以孺人孝故悉匍匐來相救喪以成禮時君姑又臥病孺人則就姑與共寢左右事之竟獲瘳然三月歆鬻髮爲之白越二年甲午孺

人竟以孝死孺人生平誠於祭先一似弟見其人者子書受幼孺人率之跪拜或憐則呵怒之肅然乃已先卒十日苦暴下猶力疾爲王舅諱日設祭遂至劇也父處士坤曾母吳孝婦所遺手札篋而謹藏之獨處則出之讀且泣篋如初其少女死女生爰除夕每歲小除日孺人必陳其所嗜隱於床隅祝而祭之書受及姊闕之相持泣不敢入戶限其於子女殆至慈也書受幼時臂間患瘡時時劇跪而讀書孺人手擘蓮的食且課之明日入塾塾師奇書受誦精熟而不知孺人豫教子之不煩其師也歲丙戌書受墮水且死心一念母在輒有出之

者歸而投母懷中哭孺人爲設鷄酒告於先寢而其年書受獲補縣學生有文且大其世孺人庶幾不死矣孺人於六親有急必周之若富者族子夢臯瞽而貧貧來孺人方漸米炊輒舂其半俾持去曰若家飢矣其視僮婢良有恩雖蝨豸未嘗踐而殺也比卒閭內及外行哭失聲瞽子來自擲於地曰天絕我矣君舅在時嘗曰吾婦古之所謂仁人而未學者耶舅之妹來歸寧見孺人事舅姑嘆曰女子之曾參也孺人生雍正乙巳夏五月十三日卒乾隆甲午秋七月二十九日年五十爲丙子舉人揀發四川知縣徐君士勳元配子書受附學監生

女二小者先卒長者哭孺人亦卒余念行年十五喪吾
先太夫人以爲吾母之賢近古未有也比聞人有賢母
輒心悲以動茲於書受之泣請銘其母之賢余蓋心泣
而銘之銘曰

蔥蔥松根下虎魄桐花鳳么么呀其實之得誰家賢母
子藉藉烏有親鴉則均蟲避麟嗚呼母之仁我文其石
三尺墳

戊戌八月廿一日

婦翁王舜夫先生暨高夫人合墓誌銘

筠既為婦翁之父王北臺先生作合墓誌之銘越二十年戊
戌又為婦翁舜夫先生暨高夫人銘其藏石寶文其兩世之行
筠今行年五十而六親之尊行存者寡矣寶坻王氏明初始以
軍功自小興州占籍寶坻號北王按山水記大興州在密雲縣
曹家寨東北距古北口可三日程小興州在古北口九十里而
近大興州本漢上谷郡女祁縣地東部都尉治金元並為興州
俗謂之大興州小興州在漢為上谷之且居縣地元置興安縣
屬興州或曰金末興州嘗寄治此後徙言小者以別於大興州
也自元中統初劉秉忠請建開平府於金桓州地號上都至元

五年曰上都路與大都並稱兩都若輔車之勢大興州在上都東二百里小興州又在州之西南明洪武初常遇春軍進次大興州遂取開平建衛於此當時居民戶口殷然極盛逮永樂之末始廢興和守禦所徙大寧於內地而開平孤縣絕塞外於時百姓紛紛內遷至今京師故家譜牒往往稱永樂時自小興州來北王其一矣王氏世次詳見北臺先生誌中先生為北臺先生之長子母天津解太夫人先生自少好讀書博覽不喜為章句業其行亦不為苟曲小謹要於事於人有實用與人語好嗶嗶大言聲徹屋達重楹外嘗曰舉事非為一時利於人非愛一人也其後蒞官頗克行其言其居於鄉而有所施也亦然初從

父宦遊江南侍父數言吏治意父頷之康熙丁酉歸試其縣補縣附學生久之雍正丙子父命入貲為七品京官其冬選授奉天府經歷丁未夏出關抵任所經歷署故燬假署於城東隅間所職掌惟送入京師戶部會審事經歷當署票發舖遞耳日暇則謁上官縱談上官異其才欲試以事一檄攝廣寧縣再攝府通判一攝治中皆舉其職八年癸丑星事降調歸上官為之太息欲留擢為知州而先生以親老固辭徑歸其在官也數啟事於府尹落落輒言其大者去後並見施行一言復州當改為州治曰復州所在廣袤數百里一切田畝錢糧盜賊人相殺與州縣等今止設通判一員駐劄旁無所屬官吏一人不得兼顧請

汰省通判改設知州一員吏目一員並請立學設官令復州士
子故隸蓋平者咸歸新學良便一言古義州當仍為州曰今廣
寧有古義州遺趾按其地在漢當遼西郡之參縣唐置巫閭守
捉城遼為宜州領宏政開義二縣金置義州崇義軍統三縣元
以義州屬大寧路明屬廣寧衛後廢州改衛我朝定鼎初義州
間錯入蒙古地界康熙四年始隸版圖十六年設巡檢於此雍
正初元分錦州府通判駐義州五年又移通判於復州而義州
仍設巡檢隸廣寧縣按義州當廣寧迤西九十里中間以醫巫
閭山山西一帶半隸錦州旗界錯綜人易滋事加以毗連蒙古
部落五方商賈雜還涉訟徵糧越嶺阻險延稽程日官民掣肘

受事累月以來備稔其艱請改設義州州治以復古名州東則
當以牽馬嶺嶺脊為界其三面並據現在義州城守尉所隸界
無論錦與廣寧所在地丁當界以內者悉歸隸新州州設知州
一員吏目一員且請廣建學宮定諸生額如廣寧數增設訓導
一員訓迪士子而界內一切知州吏目治之有餘裕矣時府尹
武陵楊公超曾大俞其言曰吾行奏請之既而雍正十二年竟
陞隸蓋平之復州所在為真復州隸奉天府又陞轄以廣寧巡
檢司之義州為真州隸錦州府於今兩州人士冠蓋相望甲關
以東矣其議並始自先生實發之又以世廟有宣諭直省先事
備火多貯水桶水銃鈎鑷麻搭之旨因請令奉天民家家置水

缸及桶一於門貯水恒滿官出入為躬驗並移奉天將軍令各旗處處行之以備不虞又言奉天錦州兩府所屬諸倉廩積糧多至十餘萬石年深糧腐所司代去數以償逋為病今請大縣存糧以十萬石為率中縣六七萬石小縣三四萬石計歲歛足以備民食餘悉糶賣輸直於盛京戶部充餉庶以歸寔濟而釋官負又言北鎮廟在廣寧縣西自虞舜封醫巫閭山以鎮幽州歷代並加封祀著為令式比者益崇修葺每遇大典遣官祭告而守土有司未獲以春秋致祭近比混同江例殊異詢愚以為當移文盛京禮部以時具備祭物檄廣寧知縣行禮宜凡所言先後悉被采用先生在官輒據所是為上官言侃侃不稍推隱

幾忘其官之為七品也先生既歸年甫三十有五逮終事父母家居者四十餘年中間歲癸酉再入貲晉秩府同知甲戌再晉加分巡道銜加四級得封其父母為二品蓋薄於官以厚其親先生之徵志也先生以故家居閒而業豐則好行其德乾隆乙丑會欵洪肇懋來知縣事重葺明表先生黃所建城東文昌閣濬閣前池如泮壁狀中植菡萏環以隄柳先生喜為力肩其事輒出橐金營社學於閣下延師以教鄉之秀者凡數年人人或成學以去先生宅後買隙巷地近學宮出入不容車乃曰毋使吾後人漸侵學宮孺讓地闢巷大之刻石曰新開路家故自縣北王甫營數十里遷城中則蠲所分受田若干世世為遠祖祭

田間一遊盤山為少林寺僧修石壩之圯者他所利及輒類此平生慕重蘄李先生孔昭之高行為刻其遺集秋壑吟一卷凡遇前賢遺墨自晉唐宋明以來或家所藏及假諸他氏者召工摹勒上石銜諸櫺園之壁園中築青箱樓高出一城中貯書萬卷先生登樓讀書暇則周眺環縣諸山以娛老焉筠自授館為王氏甥間與先生談先生於古今利病掌故山形水道徃徃洞悉而詳言之其氣盛而才健宜若有所用者顧卒老不竟其施惜哉先生諱詢字舜夫生康熙三十八年己卯冬十一月七日寅時卒於乾隆四十二年丁酉冬十二月四日申時年七十有九勅授文林郎奉天府經歷晉秩府同知晉授資政大夫分

巡道銜加四級配靜海高夫人生康熙三十六年丁丑春二月十四日卯時卒於乾隆二十九年甲申春正月二日戌時年六十有八誥封夫人賢孝以順能佐夫之不逮其行詳筠所作夫人行狀中故不具子三長兵部司務振聲高夫人出先卒娶固安楊氏次貢生振翮娶同縣杜氏次振翹娶大興朱氏筠之季妹也振翮振翹並側室楊出女四一適固安楊維誥一適豐潤曹燕一適筠一適同縣劉傳經孫十一振聲出者三鍾秀發秀聚秀振翮出者七挺秀韞秀掄秀毓秀松秀枝秀蔚秀振翹出者一擢秀曾孫一夏韞秀出銘曰

土竺竺水澄澄海東寶坻光蒸蒸北王四百年猶興官七品著

兩縣封二品隱一縣一出兮一處蠖屈而虎變閣下闢社泮中
央宅邊讓路疊一旁祀遠祖田十世將吁嗟乎先生足趨趨口
滔滔目若燒才與氣不施濟篤老而後彫松耶栢耶覆先生之
魄耶子子孫孫言酌斯墳吾烏乎測耶

戊戌冬十一月十二日

代州馮范安人墓碣銘有序

乾隆丁酉代馮君廷正秋山自海外歸喪其嘉耦范安人
哭之逾期而悲知秋山者聞之皆曰若非通情方乙未春秋
山將從其從兄廷丞之官而浮乎臺灣也安人止之曰君落
拓且倦遊矣何忽浮海為秋山不聽行已果安人則解所佩
順治錢、面正書原字者謹為秋山佩之此錢蓋國初鑄
自太原局者也而里語相傳以順加原為吉祥曰佩之不逢
不若比海舟發揚帆行抵臺灣差一日耳則颺作于海中
舟人沉木貓于海舟與浪簸危斃不得休秋山起顧海中
萬怪孺、恍惚出覩則持其兄痛哭悔不聽安人言如是

累日颺止達官所作書來告家安人大驚泣亦累日益念
秋山之隔在海外也則設觀世音像于臥室朝夕禱且祝
曰願減己命算祈夫康寧歸無他及秋山以五月至京師而
安人四月二十九日之赴至泣且呼曰我佩原字錢歸而我
婦以禱我~~身~~獨死我之不死于海獲歸我婦之算所減
而祿耶其秋復至京師泣告余曰廷正無以答吾婦賢惟
公賜銘以傳之已而秋山息以從兄之事南去明年戊
戌冬復來泣~~拜~~拜益請余嘆曰秋山其鍾于情余所宜銘
也按安人介休范氏父前寧波紹興台州三府兵備道清
洪母高氏安人八歲喪母哭括髮即次如成人繼母馮即秋

山之姑也秋山少孤其姑又為外姑故長贅于范氏范氏號
豪富方為郎寓京師僮婢數千指以上出入侈甚秋山故
名家子讀書尚氣心以依婦家為恥小不合輒謂婦吾不
任居此安人亦心恥以豪家女觀其夫故折節自卑下莫
稍安夫心然所事者繼母徒以賢且孝博母歡早夜服
御飲食一切寔不獲自由他日繼母所生子患痘症頗殆父母
過愛甚即視之不忍避他室中獨安人躬鞠視之忘日夜比
痘告瘳而衣帶一月為之不解于是繼母及內外皆曰賢凡
安人所以曲折安秋山于其家者百端之一也秋山贅范氏凡
八年而後偕安人歸于代其所處殆恒行所至難者秋山既

歸不解治生產家益落凡九試于鄉自丙子至甲午輒報
罷居鬱、安人必預試期為陳說定數以慰勉之及罷久
久必進曰士讀書初當思發榜發榜後惟有讀書夫子其
母以一第累心矣秋山嘆以為名_言家安人以不逮事先舅
先姑每祭必誠必信漑滌終日畢夫第廷工行最端敬之
如嚴師秋山出家事織悉必咨而後行夫妹七歲依安人
居凡十三年而嫁妹居有小失必涕泣曰妹早無父母偶有
失言之遽嫂所不忍、而不言嫂獲罪于先舅姑矣妹勉
自愛小姑感之去嫁劉氏稱賢婦安人逮下有恩命婢康
為秋山妾妾有子視之過己所出其卒也妾哭之如哭其

母安人生雍正甲寅冬十一月五日卒乾隆丁酉夏四月
廿九日年四十有四以秋山官安徽布政使司經歷例贈
安人子守聘田氏妾所生子定女三人安人出者二妾出
者一謹為碣于墓而銘之曰

婦矧夫矧厥身夫慙颺而干海若之髡與舌矧殞妾魄
與魂禱僧加矧呵夫君毋從夫之命矧以妾命延夫歸
來兮室有棺棺非木之直、矧化而為望夫之石兮代土
之風匹颺力矧颺莫撼夫舟之纜土之風則力安人之棺
安、貞不易矧

庚子八月廿七日

清故附貢生楊君配吳氏合葬墓誌銘

余以乾隆庚子夏四月試汀之屬縣連城得芷溪楊氏之士秀
 者五六人而曰登宴曰登璐曰新曰進者數來見于福州余詫
 問曰生家何所積累而讀書至此則知有楊君顯聖者隱德士
 也登宴登璐其少孫曰新曰進者其曾孫輩也余嘆曰其有自
 矣登宴等僉曰我家適卜以今年冬十月廿六日葬我祖于本
 鄉茶山口之邊若獲使者銘所謂發潛德之光吾祖果不死矣
 余諾銘之案君諱顯聖字人鳳一字惠菴自宋末世居連城曾
 祖茂誠祖大宙父高爆君生康熙丁卯年春二月十二日寅時
 卒乾隆戊辰年夏五月十七日丑時年六十有二初以康熙丙

以本与石本合

戊試為縣學生癸巳入貲為附貢生家力田而好讀書善于其鄉為老不怠嘗名工作書室近茶山口及後人增拓之至五十餘楹蓋數十年矣茶山口當芷溪中央四方客有好讀書者至君揖之入室俾具炊爨自讀書而躬以束脩禮致通人為之師人人各治其業客學有所得或願去則聽之而君躬坐書室共出入處且讀且時觀欣然以為樂也邨去縣百餘里在重山杖杆間君與邨人約吾邨突有警奈何其願家出人者與之錢日幾人以詰狀兒喉齒異者不尋頓止夜則巡山徑用鐸警以故邨之雞犬鳴吠帖然乾隆歲壬戌汀州一府饑米直踴躍貧者無所食君約曰吾鄉出積穀糶之直減見半人爭來赴糶其不

州未作餓

又其

能糶食之君則別除隙地二所老者供飯壯以下者授粥一日獲一食其馮于家不願來食所者則餽之米凡四閱月而罷活者無算府聞以扁來旌自是知是縣者旌相繼也邨中三姓楊劉而許氏尤家子君以為其及解紛人輒聽之入劉以為他者難正中律禁心屬而邨有行屠積貨而族族行首之君曰容隱于法不可顧爾以同姓猝致死數十人可邪吾益棄諸溪流何如皆曰善則盡昇棄之而黃氏之難息邨有婦不尋于姑而縊死者婦家雜還來閱君訟君曰死已禍又訟禍邪若閔窮家度無所利則出橐金慰解之而訟者跳去黃氏山葬而逼田水溜衝墓不克葬兩家相擊殺者累歲矣君歎洽謂山上

劉而許氏尤家子君以為其及解紛人輒聽之入劉以為他者難正中律禁心屬而邨有行屠積貨而族族行首之

又七全方

戊試為縣學生癸巳入貲為附貢生家力田而好讀書善于其鄉薦老不怠嘗召工作書室近茶山口及後人增拓之至五十餘楹蓋數十年矣茶山口當芷溪中央四方客有好讀書者至君揖之入室俾具炊爨自讀書而躬以束脩禮致通人為之師人人各治其業客學有所得或願去則聽之而君躬坐書室共出入處且讀且時觀欣然以為樂也邨去縣百餘里在重山杖枒間君與邨人約吾邨突有警柰何其願家出人者與之錢日幾人以詰狀兒喉齒異者不尋頃止夜則巡山徑用鐸警以故邨之雞犬鳴吠帖然乾隆歲壬戌汀州一府饑米直踴躍貧者無所食君約曰吾鄉出積穀糶之直減見半人爭來赴糶其不

州本作餓

能糶食之君則別除隙地二所老者供飯壯以下者授粥一日獲一食其臥于家不願來食所者則餽之米凡四閱月而罷活者無算府聞以匾來旌自是知是縣者旌相繼也邨中三姓楊黃邱而黃氏尤蕃衍君輒為邨中解紛人輒聽之人人以為長者雍正中稍禁初嚴而邨中故有私居稍者其族嗾君行首之君曰容隱于法不可顧爾以同姓猝致死數十人可邪吾盍棄諸溪流何如皆曰善則盡棄棄之而黃氏之難息邨有婦不尋于姑而縊死者婦家雜運來閱君訟君曰死已禍又訟禍邪若閱窮家度無所利則出橐金慰解之而訟者跳去黃氏山葬而逼田水溜衝墓不克葬兩家相擊殺者累歲矣君歎洽謂山上

田者曰盜賣田以歸我其人曰長者欲葬邪賣之君則以歸山下者曰爾永葬黃或築屋美而道當池池上人輒抱榛棘塞之亦輒闢也君謂池上者吾欲尋爾池則拊躍歸君又以告築室者曰若門道率吾池而行且書約曰吾子及孫世世不得爭塞此道其事好行其惠也如此以故君行視茶山之口曰吾死當埋此邨中人聞之田有比者曰必以歸君潦有淖者曰必以歸君環所卜左右方隅有缺齧者曰必以歸君且曰楊翁長者耶生吾莫加之而死耶君于是即其處自為生壙比卒子孫以形家言遲之三十餘年初卜厝焉而竟葬于此配吳氏後君一歲卒與君合壙子五人升疑升璧起熊宗升亮並為諸

生孫二十一人升疑之子七朝佐登豪鶴登培登範登霖登宴而鵬于乾隆己卯以武舉于鄉升璧之子六登治鎬登上登月登題登有而登月現官浙江璉市巡檢起熊之子三鷗登用登驤宗之子二登翥登翹升亮之子三登史登璐登衡曾孫五十八人而新為之首元孫十人而殿與為之長孫及曾孫見為諸生者凡十餘人嗚呼不有已也純己銘曰

芷溪中央茶山口楊翁隱惠有連城之壁照汝後

清故朱梅厓先生墓誌銘

庚子十一月廿七日

建寧梅厓先生以乾隆四十有五年秋七月二十又九日卒于家赴至福州其從子文偉等來乞筠銘九月十又三日福州書院人士嘗從先生問業者奔走羣議曰弟子衆也不克人人自哭諸寢如禮文請為位于小西湖之宛在堂中庶別于野哭也僉曰然乃設幕即次衆入皆哭失聲其十一月朔又羣來奔走學使者院僉言曰梅厓先生主我鰲峯講席者殆十年厥教在諸生之心儼古大師諸生于其在也敬以愛于其去也思于其歿也極哀請入神主院中歲月日薦如先生生也使者既允銘矣亦宜允入主筠曰允哉越日又羣奔走徧請于巡撫及布政

按察諸當事咸以為允于是諏日同請入主者福清林青圃先生枝春仁和沈椒園先生廷芳侯官張惕菴先生甄陶與先生而四嗚呼雖閩諸生之風厚哉休先生之生且死有以入諸生之心不可得也先生姓朱氏諱仕琇字雙瞻梅厓先生者學者所稱也先生德行醇和以摯其生平以古文詞自力歸于自得要其意欲追古之立言者以為清穆者惟天澹泊者惟水含之阻之得其妙以為文者惟人夫其橐籥從入之迹唐韓宗歐陽上薄二漢放乎周秦焯然而與六經之指合其得之意極其狀也崖峯渺瀾若靈鬼神而推而準之平直圓方察人倫五以平吾氣以寧吾心斬斬自成名一家集代以邇者未之間焉筠

嘗遭于京師邂逅懷古共論此事先生懇懇執袖謂筠曰及吾兩人未死古文詞論當定也後別去幾二十年一見于庚寅再見于今年庚子先生自訂其文集獲成可以死不死矣先生自年十有五入縣學見知于程先生元章後受知于周先生學健吳先生華孫舉甲子本省鄉試第一戊辰成進士選庶吉士辛未散館以知縣歷官山東人歌之曰夏津清治恩能蓋以儒術致之吏也尋改福寧府學教授以足疾自辭去當事重其學延主福州書院院長後主其縣書院皆本其所自得者用以教學者歸之竟卒其生在康熙五十有四年春三月十有七年年六十有六曾祖諱國漢祖諱家瑞父諱霽祖父並獲贈如先生

官配姜繼配余男子三文佑文僕文海並縣學生先卒女子二
一適梅洪恩一適胡寧仁孫七開元盛元希元春元穎元發元
昌元銘曰
成一家言司馬述韓曰文必自己出且成先生筆今先生其
卒矣先生之藏吉矣我心佛矣嘻無以為賢矣

庚子十一月九日

林太宜人葛君墓碣銘

歲庚寅余主試福建所得士候官林其宴為余言其母太宜人
之賢甚苦曰母娠其宴時居文儒坊老屋屋有井老茶杖材數
十圍覆井上母汲于井風雨暴至空中燦若黃紙下墮母驚棄
水走屋而及霹靂從井中起震聲欲裂擊老茶樹之半飛去明
日半焦槎在烏石山顛居數月而其宴生是其宴在母幾累母
之逢此厄也其宴生六歲始能行前此恒在母背母貧且病咳
血日數升且背兒且製通草花以謀活其宴蹙去母背輒呱呱
泣母憐之咳血滿屋地不弛其兒是其宴之無知累母苦如此
比其宴通籍獲官于朝貧如初而母不令其宴在官知狀行

林才學序
官配姜繼配余男子三文佑文僕文存並縣學生先卒女子二
一適梅洪恩一適胡寧仁孫七開元盛元希元春元穎元發元
昌元銘曰

成一家言司馬述韓曰文必自己出且成先生筆今先生其
卒矣先生之藏吉矣我心怫矣嘻無以為質矣

庚子十一月九日

林太宜人葛君墓碣銘

歲庚寅余主試福建所得士候官林其宴為余言其母太宜人
之賢甚苦曰母娠其宴時居文儒坊老屋屋有井老茶杖杆數
十圍覆井上母汲于井風雨暴至空中燦若黃紙下墮母驚棄
水走屋而及霹靂從井中起震聲欲裂擊老茶樹之半飛去明
日半焦槎在烏石山顛居數月而其宴生是其宴在母幾累母
之逢此厄也其宴生六歲始能行前此恒在母背母貧且病咳
血日數升且背兒且製通草花以謀活其宴蹙去母背輒呱呱
泣母憐之咳血滿屋地不弛其兒是其宴之無知累母苦如此
比其宴通籍獲官于朝貧如初而母不令其宴在官知狀行

年五十有六竟卒吾母蓋終身苦也嘻其語可悲乞余為之墓
銘按太宜人葛其姓諱 早喪父母依舅家日為舅家抱甕
行汲二十而嫁林君 喜曰吾今獲為秀才妻矣然嫁之日
猶為舅家汲數十反而後行林君家亦貧甚用手指治紅佐夫
讀書及供給其諸子亦然林君課子嚴輒予小杖太宜人外益
助責之而內實憐之也後歲壬午夫舉于鄉辛卯子其宴成進
士官戶部額外主事其年遇

覃恩獲封宜人而太宜人不改其貧然貧實如初竟以乾隆戊
戌夏閏六月五日卒其生在雍正癸卯春正月二十有三日年
五十有六而已太宜人故能貧而尤賢其宴在官請迎養太宜

人喟然曰吾妯娌四以貧相守者三十餘年吾不忍違之就汝
也卒不行有族娣陳寡而窮撫其孤太宜人輒啻搏其貧所有
者以衣食之歲月繼曰吾敬吾娣節也其行在相實應銘法子
三元器候官縣學廩膳生娶高其宴戶部江南清吏司主事娶
薛又娶楊其光娶蔡孫一臺郎元器出乾隆庚子冬十一月廿
五日諸子奉太宜人柩葬于貓頭山右元沙之邊銘曰
厥生初母夢神人送老夫人實生太宜人嗚呼不獲厥老而貴
有聞藏也反其真曷為乎長貧曷為乎長貧

海澄陳李恭人墓碣銘

辛丑四月廿二日

海澄陳天感以乾隆己亥舉其鄉出余弟石君之門辛丑再試
禮部罷歸而天感王母李先歲庚子夏五月十九日卒天感行
當別余乞為銘其王母之墓余辭曰子行日迫矣恐不及銘天
感請曰請固待銘而後行余重其請為作銘按李故漳望族也
父靜獻處士生恭人年十七歸於陳君鳳儀陳氏初籍海澄後
遷漳州府城居之陳君好義其平生急人之急鄰有喪其妻而
樁不具者君曰奈何傾其橐為具樁恭人贊之曰君子孫自有
福也其善成夫之善如此當是時君舅老矣在堂恭人日日
齋為舅祈壽比舅沒而恭人竟恒齋歲時相夫承宗祀必飭必

潔必躬親之以先舅之故者荔支也前祀之日恭人則躬推磨旋之石置稻麥其中力磨之成粉屑矣然後掇荔支實除其外壳及其中核雜而蒸之以作饗也饗餌既具厥香升於室中及他人代作之不能然也其他一一必自治之以供祭物僉曰恭人之誠事如舅生如此耶陳君有季弟出為戴氏後而死恭人為其子娶婦如已子也又有幼妹長歸王已而死恭人為之計繼嗣立曰是妹我所提携以成也必始終焉恭人父母早沒而兄弟不能立為設主立後終身不敢懈其厚所厚也如此恭人中年夫既沒家小豐矣其自奉恒至薄漳俗日三餐恭人再耳日日樽其早饗之糧以一器納筐中待筐之盈也則以分給族

鄰之不具食者間當食時有丐者在門則徹食案所設悉賜丐者是日即一食曰我縱偶不飽而彼常餓也恭人嘗臥疾醫者診之曰法當服人復否勿治於時家人日具復以進恭人恭人聞鄰有窮而瘵者則傾所具復陰遣人持贈之瘵者愈左右侍恭人者久而覺之大驚而恭人竟不復而亦愈其自奉薄而厚於人也若不知其自薄也又如此嗚呼恭人所謂孳孳為善者矣恭人生於康熙戊子秋八月廿六日子時卒於乾隆庚子夏五月十九日戌時年七十有三實為誥贈奉政大夫晉贈中憲大夫諱鳳儀之元配子六元泰州同知加三級元仁州同知元義州同知加五級元禮國子監生元智早卒元信國子監生出嗣

孫十有四元泰出者五天感乾隆己亥舉人應瑞疇照元仁出者二玉成元義出者二華綸元禮出者一紅元智出者二階旭曾孫四並幼銘曰
善一而專以畢厥身恭人日日損一食天百益爾子子孫孫嗚呼孰尚忍乎不仁

辛丑五月十七日

清故例贈文林郎邵武縣學增廣生朱君墓誌

邵武朱鏘以歲辛丑來應禮部試聞其父赴奔喪即塗為余泣求銘其墓石曰鏘父以去臘通除考終于家鏘不及視

舍飯

子道不可容幸先生哀而賜之立言之文庶託以無窮焉余謹諾崇君諱折字伯宏一字懋齋累世居邵武曾祖紹表祖晉父炳君早以事父孝聞父沒盡禮而事祖母危復以孝聞祖母疾君禱于神而瘳少間呼君謂之曰嚮夕吾髮鬢見一老人草衣而帶授我菊梗二十有一曰爾孫為爾祈也吾寤而差間爾果祈耶後越二十一年危年九十一竟無疾而終祖母居恒故好施舍君則別儲一室凡穀麥錢

帛具以待。是所施者，毋缺供焉。曾祖母童有族子老而破其產，無以活。君則歲出米八石，屬之邱家源金山寺僧，俾給其朝夕。食竟畢，其身其推曾祖母之愛也。自父及祖母歿，君歲遇伏臘，令子孫弗為酒食，如常。日曰：吾不養尊老者，而顧令若曹卑幼者向我數拜耶？君每行，上壠以水晶名，上峻而滑，窮于攀躋。君雖老，必令子孫掖而上。思慕涕洟，如少時。後至七十，有五子孫，力勸公。公雖極不可上也，乃止。而家祭也。焉。君既以孝弟力行，而遇物也厚且直。會縣修學縣人推君董其役。自歲丁亥至己丑，凡三年而君則寒暑風雨往無一日輟。一日有匠人設齋，食名董事。

者會食。君詫問諸君董役間當餽匠人，而反受匠人餽。即衆皆慙而罷。時匠人將欲以他木附廟木間，衆也。以君故不行。府北門有溪，樵水所經，流合于杭，以爲北通。建陽西達江西，以往雨漲橫作，行者病甚。奸民或買舟賣渡，居奇。渡日再渡，早窮且塘者，輒望洋而泣。君毅然嘆曰：蠲田八十石，建義渡。二榜人六月給食，歲給修船費，而人大便利。君少時有故人吳生，廷機才而早死，臨卒屬君曰：吾貧讀書而死，得妻不嫁，足矣。重為君累，奈何？君泣曰：諾。吳生妻居僻巷，君數至門外，給粟焉。後病而屋漏，延君入視。君曰：否，自是不復至其門。而粟月日以給，凡幾十年。

後吳妻七十有一而卒固請君至今媪扶拜于牀下君遂
巡引避吳妻曰今日邂逅先夫于地下拜君之德果矣君
隱行類此者尚多君生于康熙辛巳秋月二日卒于乾隆庚
子冬十二月廿七日年八十有一娶邱先君卒側室胡子八長
鑑國子監生邱出次鑑國子監生胡出次鑑縣學附生邱
出次鄧胡出次銜乾隆戊子舉人邱出次銜次銜並國子
監生次鏡並胡出自庚午邱卒君不復入側室曰義
也孫十濤鑑出深濤鑑出濟濤鑑出濤銜出濤銜出銜出銜出
銘曰

君歲不拜子水日明壠送君歲于此門之外子子孫擬且誦孝視世
世子鄉人講行者致子墓木萎以萃

辛丑閏五月八日

林陳安人墓誌銘

候官林陳安人生于康熙甲申年冬十二月十一日申時
卒于乾隆己亥年冬十二月十七日亥時年七十有八為
湖廣鄖襄道 子歲曾孫女為寧德縣學教諭統彝
孫女為直隸某州知州適女其得稱安人則以既卒後
夫朝綱獲

恩賜都察院經歷銜六品例稱者也安人幼慧喜
翰墨以父遠官畿輔在家奉母以至孝聞母病邁漸
安人隱家人到左膝肉以煮藥母服之而瘳年十八
歸林氏以不逮事舅姑為憾還忌日依朝綱奉匭上

食輒歎歔涕橫落間語夫曰先舅先姑宅室未覲
馬請悉鬻新婦奩飾以助窆穴可乎朝綱曰切哉爰
以歲壬子奉二親之櫛葬於福州府城北之東坑葬畢
安人歸而始有豫色其孝蓋天性也安人有二男長
元俊次紹芳安人佐夫督子極嚴其望之學以成也
甚驚已而元俊試為縣學生早卒紹芳則以己亥冬
余為學使者始試入府學其十有二月十有六日紹芳
自使者院加頂簪花而歸拜于祠下次拜其父母安
人喜謂紹芳曰吾家世有聞而若父八十餘尚困頓在
諸生然志未衰茲若又獲廁名于學吾願差畢矣

明日竟無疾而逝尋朝綱來謁為余言且流涕余
慰之曰若君者庶幾增重昔人伉儷之風矣然君之
婦待君之子成禮而即終全乎終者也年幾八十乃返
其真而君益可考不得謂之不韜老也君又奚悼焉
其明年朝綱秋試罷監臨以其年

聞獲

賜舉人於時朝綱氣力方壯獨走與驛傳競速竟及
應禮部試知貢舉又明年言朝綱年過六十以上再獲

賜六品登銜于

朝既歸卜葬其室而婦陳獲以安人之稱告寔嗚呼

安人是非克孝而喜翰墨之效耶安人有孫六續緒
顯緒不緒用緒振緒統緒

銘曰

或枯楊黃或枯楊華林娶陳相當厥門宜厥家婦
且八十而克夫十年未已用年獲舉官獲六品始
林公前逡巡築婦墳銘內之稱安人掩土號哭而虞
還子扶翁一子時六孫

辛丑閏五月二日

婺源余生墓誌銘

余視學安徽時嘗表婺源汪先生之墓且檄下徽州
府具書先生木主配食紫陽書院而先生所著書寔
其弟子同縣余生元遴之所抱獻轉上四庫館中于時
汪先生之潛德大彰然非余生則或腐爛湮沒而不傳嗚
呼余生之行萬矣越五六年余生竟死乾隆辛丑余生
之子克和始具列其父制行之詳遠未乞銘余嘆曰生
殆應銘法者耶按狀余生諱元遴字秀書一字樂齋
自宋進士希隱先生始居婺源之沱川為縣人曾大父道
生大父華並縣廩膳生父衍累世以篤行著生自六歲入

塾已立志喜讀書家貧兼行樵汲年二十喪母詹哀毀中
後以詩書林禮三十六為縣學生初見汪先生于從林家再拜稱弟子

學以朱子為的而博覽載籍以天其間見克已檢身蔚
然為儒者鄉之人士從者日進歲已卯汪先生卒其子鳴
之繼病篤且死志以先生竹藁授生于時決然期迎先生
之妻奉養于家其沒也奉其柩與先生合葬向墓而哭
曰先生賢子死矣元遂尚末死天乎元遂必使先生之
書不死以傳也暇日召弟子寫先生遺書歲節東
脩所餘傭他人日夜手寫累積久之十餘年而諸書
寫本竟成會余科試畢進府士於院書面命之生則褒衣

奉其師書上掩額髮弟子助之奉者數人躡循置書
使者案上曰謹以獻余故聞先生名至是始獲讀其書稱
寔且矍然為生之至誠所感動為讀一過志錄上之作
而嘆曰昔者漢桓譚咸揚雄太元終不顯曰吾恐後人取覆
醬馭宗歐陽修小時得舊本韓文子故麓焉好之已而
竟使人知有韓先生集嗚呼生庶幾極譚之苦心而憂
憂乎難于修之有力者哉雖孔鮒之抱保遺託志冀之
奪也生平居言動以規矩其授弟子歲終會計入輒以
不洽親族之不足者不啻一錢已而空乏泊也弟子
貧者不受所費金有同縣胡元儼貧來學却其

勢益貧則衣且食且教之少之貧轉甚則出金以貶其
 家毋久其志後胡生竟成學其教弟子必以行先生不
 得倚立不得跛以謹制其容度間與客坐語生足不跛
 童子侍側笑曰先生亦跛即生肅然謂弟子曰童子
 戒我是若曹退私恐未必如我戒而面不戒我異乎童
 子即客与弟子聽者咸然其造物也以和以故鄉人皆
 樂其易也弟子能承其學者同姓余宗英金鑑其
 所著有庸言若干卷詩文集若干卷生于雍正甲
 辰冬十一月十五日卒于乾隆戊戌年歲三月廿二日年
 五十有五初娶安休之汪氏繼娶同縣汪氏又繼娶
婺源縣學廩膳生

歛汪氏子三人克和同歛汪出克應克勝歛汪出歛
 汪向有子過生令歸其母家生卒汪歸撫子而畢
 其志嗜生之介而汪之能不遺其介也如此銘曰
 五服得師而親師子重于倫離厥師而不及者幾
 人漢東顧及倫宋南羅李門水源之淵火其之然生
 生學于師而死以師書傳吾之銘石不刊

乙未七月一日

何君側室袁氏墓石文

余自村世。曾山見。曾山待。養有。欲何君事。權汝
 平。名已。而何君未。就。還人。嘗。後為。知。如。歲。乾。隆
 甲。字。道。也。揚。州。買。妾。於。揚。之。袁。氏。二。家。處。有。女。
 二。珠。高。有。常。與。客。人。以。重。禮。求。女。一。何。君。法。
 如。父。母。四。石。解。病。費。人。顧。之。何。二。君。向。之。則。道。以。辭。
 以。垂。播。以。石。以。厚。厚。意。且。旦。夕。有。京。刑。之。役。不。
 克。得。若。女。鳥。能。待。我。女。語。父。母。曰。何。國。待。何。於。是。
 何。君。欣。其。娶。之。雷。揚。州。而。親。家。約。來。京。師。其。集。
 十。日。迎。以。親。女。既。至。信。口。君。居。儼。舍。不。一。門。揚。人。

服佛能具之奉復宗之靈也。問曰：君之為佛，豈非用家者有時胡者，藉以為女之居，夫未幾會舍通相，而不向人考。內輔七賢，皆為其西見，不使何君，向何君，與矣。飲柏，款以靈，以女，是言賢之明年夏，有身而病。語曰：君曰，妾命為且。故子君曰：短壽，不之致，君念此，妾又母者，弟君者，善現之，母有善，即於君，母念妾矣。君擇曰：知何至此。秋七月二日，妾子，不友，年廿日。年二十有，何君，如古，其弟，走于，未視，物至，女曰：自。笑於，適例，不報，妾，曰：君，曰：如，聖。

所曰：何君有弟，青流，余遊，愛世，兄曰：懼，女，信也。及大，致廣，遠陳，生事，餘為，畫像，以，慰之。又素言曰：能知，生者，為之，文，刻，諸，永，言之，行，東，五，知，人，以，置，石，榻，於，之，言，石，碑，素，氏，之，女，托，以，不，知，或，者，其，是，以，莫，五，吾，兄，之，也。余乃，依，第，子，作，此，付，佛，以，表，力，相，佛，之，文，之，言，而，為，之，詞，曰：生，於，塵，幕，乎，無，言，知，房，極，子，無，人，奉，復，之，子，嘗，心，上，浦，表，善，之，不，友，女，拜，如，靈，子，美，子，歸，骨，於，石，榻，之，莊，子，依，夫，知，之，也。知，托，文，字，早，矣。傳，妻，生，者，之，也。子，曰：秋，反，其，與，相，與，相，子，以，之。

485

賜進士身翰林院編修在四庫全書處以
是曰下第同國多志兩館總纂及大興先
△按文正書

孔隆四十年歲次乙未秋九月十五日建

贈儒林郎翰林院檢討曹先生墓表

汾陽曹君孝如生十二年而孤孤而力學有立又十
年而舉於鄉又十有四年而成進士改庶吉士六
年授館職又三年改官河南道御史有聲又五
年晉刑科給事中又一年轉吏科掌印給事乃
以其尊甫先生之遺行告於其同年友大興朱筠
曰學閔不祿不及侍先君子於有所知識之時於
先君子之行悖焉及少有所知識得之鄉人所稱
道咸謂先君子較然有古王彥方之風然問其事
十不得一二也即問得一二亦不全學閔其何以為

人子竊思欲稍稍次第梗概以告於世恐言之不
寔或誣吾先君子然及今不書又恐日久益忘失
是重學閔之無以為子也學閔謹以其所知識者
告子子為書之以示我嗣人筠謂如子言尊甫先
生應銘法且子已貴為都諫官官五品先人之墓
道當伐石以表行於制為稱筠茲當為子表先
生之行於阡無所辭謹按先生諱曰英字彥傑
山西汾陽人世居府北之太平村曾祖諱朝仕遇
異人授術云可立富或以千金願得其術嘆曰吾
術信豈獨得千金哉顧心不義之故不用亦不欲

告子以得千金却之臨終謂子孫曰吾受異人術
非不知可以少遺利子孫也然何如遺若以正乎
術竟不傳其事在明之季年祖諱復琦祖母
靳氏鼎革初靳夫人率諸子避兵於村東之羅
城鎮既定來歸家室已空入門坐堂中堦上抱
兒泣俄見乳狸將子自水溝入夫人即止泣撫
兒曰吾子孫有起日矣自是家日以豐父諱應
璽母樊氏先生生十八年父卒識力絕人自念少
孤而處豐不樹立易敗也於是內嚴事母夫人外
從名師何先生者遊奉之至謹以自檢束何先生

者學甚高性尤忤急飲食起居小不中節輒訶責求去食器有一竅駁者輒面擲碎之先生拱立下氣以謝師為感動課之盡力服除入縣學為名諸生後師竟老於縣中且死先生心喪之如父所以始終盡交於其子者無不至縣有傅青主先生山之弟子王先生某孝子也貧不受人一錢先生與之交甚歡賙之則受數十年如一日有張媪者先生母氏之中表姊妹也老無所歸先生推母夫人之愛養之終身卒頃曰吾死無以報曹氏恩惟祝天祝曹氏子孫而已其厚德

之感人有如此先生尤善處人骨肉之間而其居鄉里也固讓鄉人某以過見怒於其父父過怒鳴之官先生為往來委折罕譬以天性道之父子歡然卒無間長子學曾與村中老農語言不相下先生聞之怒曰若聞小雅所稱諸父諸舅微我有咎者邪若今且得罪於鄉黨州里矣手批其頰令即老農謝過然後已先生居常恂遇事不可未嘗有所畏懾雍_府中_府人苦鹺商之橫而_府下地故可煎鹽且黃河東出套外歸化城所在鹽舟溯流計日集_府中食無缺先生先率_府人具

疏所以告於當事且言郡民願均鹽稅於田良
便事聞得請而商竟逐郡人至今賴焉先生事
母至孝母夫人好躬自操作先生事無不先當
其意而母不勞且喜甚會疾作母來視之雖憊
極必強歡笑以慰母疾革前十日豫知死時刻
召諸子曰吾生五十年自問不覺有所慚恐惟
不克終養吾母此心慙若輩當畢吾志耳令家
人具衣冠遷牀正寢卧其上猶置冠於肩微笑曰
尚需數刻少旋冠而卒越數日幼子學閔夢先生
駕駟張蓋儀導甚偉徑來至家呼學閔撫誨

如病中嗚呼其先生之精爽未沫者邪先生生康
熙二十年辛酉十一月八日卒雍正九年辛亥九月
三日年五十有一夫人王氏稱克配云後先生二十年
卒乾隆辛巳遇

覃恩時學閔官檢討獲

贈先生暨夫人如其官階子四人學曾學思學閔
學雍孫六人延齡喬齡錫齡鶴齡夢齡保齡曾
孫三人守廉守淳守儉其詳具載於錢學士大昕
所作碣銘中筠特書先生之孝於親睦於家任
恤於鄉黨敦薦於師友落數大端用揭於墓

道之石以告來者謹表

掛之書



